

广东通志

广东通志

廣東通志卷一百四十七

甲子重刊

建置略二十三

壇廟三

韶州府

曲江縣

社稷壇在筆峯山下宋建於城內祈報坊元延祐

七年遷南門外

黃志

明洪武七年徙今所

郝志

風雲雷雨山川壇在城東宋爲二壇一風伯壇一

雷師壇元至正八年立風師壇於東北郊立春後

五日祭立雨師雷師壇於西南郊立春後申日祭

黃志明洪武七年徙今所

郝志

先農壇在東城外雍正六年建

同上

厲壇明洪武七年建在相江書院東後遷新館驛

後

府志

曲江縣附郭首邑俱從府祭

郝志

關帝廟在城隍廟東康熙十一年重修

府志

城隍廟在城西南原在府治東明宣德三年遷今

所

黃志

國朝康熙二十二年知府唐宗堯捐修

府志

東嶽廟在關帝廟左康熙十年知縣周韓瑞建

文昌廟在學宮外

天后宮在相江門外

眞武廟在南門外

俱同上

昭忠祠在府南門外武英山關帝廟西嘉慶八年

奉

旨捐建

冊司

虞帝廟舊在皇岡嶺唐謝楚碣曰曲江有虞帝廟
故老言舜作樂於邑東盤石上故石號韶而州以

韶名宋嘉定間提刑廖德明創祀配以皋稷契益

洪武以來屢修正統二年知府湛禮重創黃志禮記

昔在正統丙辰禮承乏治韶當徧謁祀典神祠距
城五里許有山曰皇岡起伏鬱葱有水曰皇潭汪
洋莫測韶人指顧曰此帝舜祠也山之高水之深
咸以皇名焉乃率僚屬披草萊履危磴嚴肅衣冠
頓首拜謁惟是遺址荒蕪瓦礫墜地土堦磚級四
維頽垣上存帝舜皋陶牌位露處而已悵然興感
大懼無以虔恭祀事嘗考郡圖志舜祠與忠祐侯
廟並立有元之季廟落為墟洪武二年郡守徐炳
文作門廊殿寢棟宇聿新聖像凝旒皋稷契益羣
公在配歷年茲多上雨傍風摧敗零落固其所也

於是具材命工巧縵陶瓦經始於正統二年冬十月明年正月廟成聖位中尊配位左右薦羞以時籩豆有列惟帝大聖也聰明睿智元德升聞由仁義行非行仁義受言執中益以三言心法之所以傳也慎徽五典明物察倫綱常之所以正也信乎中庸百世以俟聖人而不惑歟曲江有祠父老相傳帝南巡奏樂東嶺盤石上邑人號其石曰韶石因之立廟其說未可知然否也而新祠之歲月不可以不書故嘉靖九年知府彭大治遷城東十七書之如右

年知府符錫重修

府志

伏波廟在武水西祀漢路博德唐時廟在英德縣

洸口明洪武二年遷於官灘二十年知縣王世安

遷今所併增祀新息侯馬援嘉靖中重修

黃志

侯司空廟在曲江縣西北四十里父老相傳卽侯

安都宅基因而立廟

王象之輿地紀勝

廟在桂山下卽其

故居創於其沒之明年宋元豐十年重修黃志李渤記

略桂山肇跡自荆山南走千餘里至於衡山斗起

爲炎帝國又自衡山南走千餘里至於桂山鬱然

爲祝融神區山之磅礴方廣幾千百餘里峻極崇

高幾五七千仞青峯碧嶂雲霞所棲丹崖紫壑神

仙之宅山下之廟則司空侯公故家也公名安都

字師成本末具南史惜乎功大主疑盛名之下難

乎其終到今里中習俗流風慷慨猶存時或早滌

四遠來祈未旋輒應公之族有登進士第者名晉

升字德昭記予記之又作迎神送神之詩以遺其

鄉人使歲時祈報得以長言而詠焉歌曰天作高

山兮去天幾何翠岫巉巖兮與天相摩紫桂干尋

兮上拂金波飛瀑萬丈兮倒傾銀河宅靈氣兮鬱

嵯峨降生司空兮此山之阿人拔臺城兮親提義

戈百射百中兮戰功居多昔時門巷兮今已張羅

哀江南兮淚滂沱弔故里兮影婆娑折瑤草兮席

輕莎靈紛起兮舞傖傖神之來兮冥冥兮駕蛟鼉此

方之氣兮神人以和此方之物兮天無薦瘥我作
此詩兮匪商之那俾爾遺俗兮慷慨而歌元
豐三年正月朝奉郎知白州樂昌李渤記
今併

祠於鄉賢府志

張文獻公祠在府學右元宗遣使致祭立祠鑄鐵

像於府治時尙在武水西宋天禧中郡守許申始

遷今所黃志楊萬里張余二公合祠記人物粵

出而曲江名天下至本朝余襄公繼之兩公相望

揭日月引星辰粵產亦盛矣哉蓋自唐武德放於

今五百有餘載粵產二人而止爾則亦希矣然二

代各一人而二人同一州又何富也世謂以文取

人抑末也兩公俱以文學進以名節顯以文取人

不可也以文廢人可乎兩公立朝忠言大節多矣

而諫用牛仙客安太子瑛誅安祿山留范希文排
不堯佐此尤治亂之所關者也三言不用而二言
用天寶之敗慶厯之隆豈適然哉雖文獻相唐室
而襄公未及大用或以是爲襄公憾吾獨不然聖
賢君子之於斯世顧道之行與否爾相與否奚顧
哉兩公者道行則宋隆道不行則唐敗然則兩公
之於斯世孰遇孰不遇乎後之有爲之主有志之
士能知兩公遇不遇之說諷諸往度諸來必有超

然寤慨然歎者矣郡博士廖君德明庀職數月謂
兩公廟祀而不於庠序非所以風勵學者也謁於
太守徐侯璉守丞李君文伯而作堂祠焉既成屬
萬里記之則招諸生而論之曰二三子廬於斯饗
於斯業於斯進而拜先聖先師曰莫子云輒退而
瞻兩公曰莫子云磋跂而望曲江之山川曰莫子
云殖可乎不可乎不可而莫明洪武二十年郡守
予云續何也二三子盍思之

王世安重建嘉靖十五年參政詹瀚拓祠後地建

寢堂置祭田

郝志

何公廟在府城東三十里亡其名後周時爲廣東

參軍往征南海死於賊鄉人爲立祠宋熙寧間贈

侍御清海軍使

一統志

大清

濂溪先生祠宋淳熙二年建在張文獻公祠東後

遷於學宮

黃志

張栻記淳熙二年冬廣南東路

提點刑獄公事詹君儀之以書抵栻曰

儀之幸得備使事念無以稱上德意披攷故籍熙
寧中濂溪先生實嘗爲此官今壁之題名具存儀
之雖不敏敢不知所師慕且念宜有像設以詔後
世庶幾來者感動焉迺度於治所曲江郡城之內
唐相張公故祠之東爲屋三楹以奉祀事且崇其
門垣大書揭之嚴其扃鑰以時啓閉十有一月告
成願請記某讀其書喟然而嘆曰詹君下車首爲
是舉可謂知所先務矣其意豈不遠哉則不敢辭
而爲之書按廳壁記所書先生以熙寧四年正月
九日抵官于是年八月朔旦移知南康軍在官僅
踰半載耳攷其行事其見於先生之墓誌者曰自
廣東轉運使判官改提點刑獄不憚瘴毒雖荒崖
絕島人迹所不至皆緩視徐按以洗冤澤物爲已
任未及盡其所爲而已告病求守南康以歸而著
作郎黃公庭堅記濂溪祠亦稱先生爲使者進退
官吏得罪者人自以爲不冤以是二者觀之亦可
以想見當時施設之大概矣雖然凡先生之所施
設皆其學之所推非苟然也某嘗攷先生之學淵
源精粹實自得於其心而其妙乃在太極一圖窮
二氣之所根極萬化之所行而明主靜之爲本以
見聖人之所以立人極而君子之所當修爲者由
秦漢以來蓋未有臻於斯也故其所養內充闡然

而日章雖不得大施於時而莅官所至如春風和
氣隨時發見被飾萬物百世之下聞其風者猶將
咨嗟興起之不暇然則卽其所常臨之地而繪像
立祠以昭示來世豈非有志於名教者所宜汲汲
者乎使後之人睹先生惻然之容而攷法其行事
因先生祥刑之心而究極其淵源則是祠之建其
爲益固有不可勝言者矣抑嘗問先生之論刑曰
刑者民之司命情僞微暖其變千狀苟非中正明
達果斷者不能治也夫中正者仁之所存而明達
者知之所行果斷者又勇之所施也以是祥刑本
末具矣詹君之立祠爲祥刑者設也故某復以此
繫於終焉詹君嚴陵人嘗爲御史臺主簿云十有
二月丁酉記

余襄公祠在城通衢卽公故宅宋治平中郡守呂

柟始建祠紹興七年郡守陳麟始奏入祀典明嘉

靖十五年知府鄭騶重修

府志有記不錄 霍韜

忠惠祠在館驛北祀唐刺史盧光稠宋開寶二年

賜額

郝志

謹按王象之輿地紀勝盧太傅廟在州東唐末藩鎮盧光稠以虔韶二州請命於

梁郡人立祠祀之

秦義士祠在河西報恩光孝禪寺佛殿東宋嘉定

中赤水峒寇踰嶺剽掠郡守方信孺遣義士秦綱

領兵與戰死之信孺遂立祠於此今廢有寶謨閣

學士劉克莊所撰秦伯舉哀辭題於祠壁

其文曰建康男

子秦綱余丙寅歲始識之於西湖時朝廷議北伐

一日除三宣撫使戎師皆遙制河南北山東西全

盛時故疆領其節度尅日進攻綱固喜功名用其

策干長安貴人皆莫省既而出師無功三宣撫俱

罷詔出樞臣督視京口余里人方俟信孺被選使

虜帳議和辟綱偕行比三往返俟出吏議謫臨江

綱送俟出涕居鬱鬱不樂明年柳告賊竊嘯聲撼

嶺外急起俟守曲江會合討捕綱曰壯士時不可

失徒步往謁時赤水峒賊散白旗踰嶺俟曰是軼

八吾境不可縱分帳下兵以綱將之募土豪鄉導

披溪砦窮巢穴綱人益深所將士多亡去賊格鬪
轉苦綱死之計至俟哭之野綱爲人短悍有膽氣
飲啗兼人嘗遊邊多與退校故將遊對客語今古
成敗指關塞虛實歷歷可聽憶余客都城大風臥
雪邸中綱夜踐雪邀余買酒鱸鮑酒酣出其詩與
文皆悲健豪語顧寢榻上敗縐一襲書一卷取視
之輿地志也又患夫偷生者之多也又哀夫綱之以
病其銳也又且寇興以來廟堂因籌慮大農窘供
布衣而死也任能勵鋒穎與賊角一戰者未聞也
億居討賊之任能勵鋒穎與賊角一戰者未聞也
况死節乎乃爲哀辭以弔綱或曰綱有母在而輕
死聶政所不忍爲也余曰不然彼韓相俠累非得
罪於天下者政不以其親之遺體快他人之私讐
此名教之所宜絕也峒寇之罪通天矣豈獨綱欲
得而僂之雖綱之母固將甘心焉張湯死母不哭
吾意綱母子亦然客有自曲江來者言方侯祠綱
於佛寺因書以寄侯使刻之祠中綱字伯舉死時
年四十餘其詞曰余憫士之媼兮吁嗟乎悲哉持
婉孌爲身梯兮指狷介爲禍媒質魁然而美兮中
惴怯爲婦孩嗟夫君兮何慨慷氣尤銳兮力孔剛
倚長劒兮撫八荒彼肉食者出而專征兮亦人而
訐謨設一塵之警兮駭鳥鼠之奔呼臣節棄如遺

兮或忍蒙夫垢汚嗟夫君兮生羈窮短褐穿兮食
不充孰激而死兮義之從庾嶺峩峩兮下有江桃
榔蔽天兮號哀急之濤瀾蠻雲蜚雨兮座玉其邦
跨修鯨而翳鵠兮遊汗漫與空谷鳴乎世以敗爲
辱兮成爲榮君以義重兮生爲輕陳
哀詩兮裸薦乘迴風兮送迎黃志

四賢祠康熙七年巡撫劉秉權卽書院舊址建祀

周濂溪以陳獻章王守仁湛若水配據劉秉權記補劉記不錄

縣城隍廟在豐積下街明崇正十年建府志

國朝康熙二十二年知府唐宗堯捐修

新張文獻公祠在風度樓北康熙二十四年知府

唐宗堯建

名宦祠在學宮戟門左

鄉賢祠在學宮戟門右俱同上

忠義孝弟祠在學宮東郝志

節孝祠在學宮西同上

寶貺廟在曲江岑水場場人立七寶廟一所坑爐

人戶祈福輿地紀勝

樂昌縣

社稷壇在西城外一里縣冊

風雲雷雨山川壇在城外南灣同上

先農壇在城東郝志

厲壇在城北一里三壇社稷山川及厲壇也俱洪武二年知

縣索彥勝建黃志

城隍廟明洪武二年知縣索彥勝建于北門內正

德十三年知縣李增徙于縣西嘉靖十八年知縣

張監徙于北門外二十六年同知胡瑞復今所志郝

關帝廟在城南

縣冊

文昌廟在城外龜峯

同上

旗纛廟在教場後

縣志

周府君廟在縣西北百二十里始創無考蓋祀東

漢桂陽太守周昕所有鑿瀧道功故祀之成化中

重建乳源縣又祀之曰瀧溪祠

黃志

謹案昕作
曝碑銘見金石略

張文獻祠舊在城南二里宋宣和二年知縣張植

建明嘉靖丙午都御史張岳改建于南灣

郝志

鄧忠襄公廟一在南灣一在城東官井祀唐刺史

鄧文進志載有築城捍賊功創廟年月無考道光

元年該府縣詳稱兩處廟貌如新每遇雨暘失時

有求必應請於邇年春秋仲月捐備品物致祭司冊

鄧使君祠在城西一里祀唐韶州刺史鄧大進黃志

鄧忠毅祠在學東明景泰中知府王玘建嘉靖中

知縣龍章改建于塘頭黃志黃諫記略正統十

賊葉宗雷竊弄海島兵固當時任牧守者失于撫

綏既勢猖獗而能出一奇保一城以民社之寄為

重此身為輕者幾何人哉葉賊巢穴在金華去廣

信不遠君時知永豐聞其事預為備未幾賊果至

剽掠皆無所得如是者屢矣賊眾謀曰永豐要路

鄧公傑士有謀事終難濟曷悉力攻之必為我有

餘不足慮乃悉眾攻君時奉都御史張公楷喋守

桐木關地與敵弗勝遂被執罵賊不屈乃遇害朝

廷旌其忠贈光祿寺少卿給事中白瑩復請于朝

加諡忠毅附祀廣信張叔夜廟並入張文獻公祠